



LAPORAN LIPUTAN MEDIA

AHAD / 29 SEPTEMBER 2019

- 1. GALAK PERTANIAN BERSKALA KECIL**
- 2. KARNIVAL JALINAN TANI DAPAT SAMBUTAN**
- 3. KATJANG HIBRID LEBIH BERKUALITI**
 - SINAR HARIAN**

DISEDIAKAN OLEH :
CAWANGAN KOMUNIKASI KORPORAT
(MADA)

KERATAN AKHBAR : SINAR HARIAN

TARIKH : 29 SEPTEMBER 2019

PERKARA : PERTANIAN

12

AHAD 29 SEPTEMBER 2019 • SINAR HARIAN

NASIONAL

Galak pertanian berskala kecil

KPLB lancar Program Botani Desa, inisiatif bantu golongan B40

SYAMILAH ZULKIFLI

NILAI

Kementerian Pembangunan Luar Bandar melancarkan Program Botani Desa sebagai inisiatif membantu mengurangkan belanja dapur, sekali gus meringankan kos sara hidup rakyat.

Menteri Pembangunan Luar Bandar, Datuk Seri Rina Mohd Harun berkata, program yang mensasarkan penyertaan wanita daripada kategori kumpulan berpendapatan rendah (B40) itu menggalakkan aktiviti pertanian berskala kecil di kawasan rumah.

"Peserta akan diberi



Rina (empat dari kiri) beramah mesra dengan penerima Sijil Kemahiran Malaysia Penilaian Pencapaian Terdahulu (PPT) pada program Wanita Inspirasiku Peringkat Negeri Sembilan di Politeknik Nilai semalam.

kursus dan latihan yang dikendalikan Jabatan Pertanian kaedah untuk memulakan aktiviti pertanian dari rumah. Mereka juga akan diberi peralatan asas pertanian seperti baja dan benih.

"Sedikit sebanyak penggunaan kawasan tanah secara optimum di kawasan rumah dapat menjimatkan perbelanjaan dapur, selain mampu menjana sumber pendapatan sampingan jika

dilaksanakan secara serius," katanya pada sidang media selepas merasmikan program Pelancaran Botani Desa dan Wanita Inspirasiku Peringkat Negeri Sembilan di sini semalam.

Hadir sama, Exco Pembangunan Luar Bandar Negeri Sembilan, Ismail Ahmad dan Timbalan Ketua Pengarah Operasi Kemas, Ahmad Kamal Idris Mohd Nawawi.

Rina berkata, pihaknya

mensasarkan seramai 3,000 peserta program tersebut tahun ini di 287 kelas kemahiran Jabatan Kemajuan Masyarakat (Kemas) di setiap negeri.

"Mereka yang layak dan berminat boleh membuat permohonan menerusi Kemas. Ia juga boleh dijadikan sebagai permulaan untuk mereka menceburi bidang pertanian secara serius pada masa hadapan," katanya.

Tumpu projek infrastruktur

KUALA SELANGOR - Kementerian Pembangunan Luar Bandar berharap kerajaan akan memberi tumpuan bagi peruntukan projek infrastruktur dan peningkatan pendapatan penduduk dalam Belanjawan 2020 yang akan dibentangkan pada 11 Oktober ini.

Menterinya, Datuk Seri Rina Mohd Harun berkata, tumpuan itu menjurus kepada kesejahteraan rakyat secara keseluruhannya.

"Kita ingin mewujudkan lebih banyak kemudahan pembangunan infrastruktur seperti pembinaan Projek Perumahan Rakyat Termiskin (PPRT), bina baharu, projek jalan perhubungan desa, baik pulih surau dan sebagainya," katanya pada sidang akhbar sempena Karnival MyJeram 2019 di pekarangan Pusat Khidmat Masyarakat Dewan Undangan Negeri (DUN) Jeram di Bandar Puncak Alam di sini malam kelmarin.

Rina berkata, semua projek itu mampu memberi impak secara langsung kepada masyarakat luar bandar.

Menurutnya, Perdana Menteri, Tun Dr Mahatir Mohamad pada sidang media sebelum ini berkata, kerajaan merancang melaksanakan program khas bagi masyarakat luar bandar.

"Malah, dalam mesyuarat Kabinet juga menyebut titah Yang di-Pertuan Agong, Al-Sultan Abdullah Ri'ayatuddin Al-Mustaffa Billah Shah menyarankan peruntukan luar bandar ditingkatkan," katanya.

BELANJAWAN
2020

Karnival Jalanan Tani dapat sambutan

Pelbagai produk pertanian dan industri asas tani dijual pada harga yang berpatutan dan lebih murah

ROSMIZA KASIM

KOTA BHARU

Karnival Jalanan Tani Institut Latihan Lembaga Pelesenan Pertanian Persekutuan (FAMA) 2019 di Kelantan kelmarin mendapat sambutan dan dinanti-nantikan rakyat.

Karnival dua hari bermula kelmarin sehingga semalam itu diadakan di Institut Latihan Fama Kota Bharu (ILFKB), Lundang yang dirasmikan Menteri Pertanian dan Industri Asas Tani, Datuk Salahuddin Ayub.

Salahuddin berkata, karnival tersebut adalah inisiatif Bahagian Latihan Kemahiran Pertanian bagi mempromosikan dan memperkenalkan pusat tauliah kepada umum serta mewujudkan jalinan kerjasama antara usahawan FAMA dengan petani ILFKB.

"Selain itu, orang ramai turut berpeluang mendapatkan pelbagai jualan produk pertanian dan industri asas tani pada harga yang berpatutan dan lebih murah daripada pasaran," katanya.

Pada karnival tersebut, orang ramai boleh membeli buah dohong dengan harga RM1.50 sekilogram, jagung (50 sen) setongkol, anak pokok buah

buah (RM10 untuk tiga anak pokok), pokok bunga (RM5) seponon, ikan kembung RM10 sekilogram, ikan selayang RM9 sekilogram dan cencaru RM8 sekilogram.

Menyokong usaha yang dilaksanakan kerajaan itu, seorang pengunjung, Kamariah Ismail, 62, yang juga seorang ibu tunggal berkata, beliau tidak melepaskan peluang membeli buah-buahan segar dengan harga jauh lebih murah daripada biasa.

"Usaha yang kerajaan buat ini sangat baik untuk membantu rakyat di kampung-kampung. Kadang-kadang kami perlu tunggu barang turun harga, baru boleh beli dengan banyak sebab menjimatkan," katanya.

Pada majlis sama, Salahuddin turut menyampaikan Surat Kelulusan Sumbangan Peserta Program Rezeki Tani kepada 10 penerima terpilih dengan nilai keseluruhan berjumlah RM100,000.

Karnival berkenaan turut dihadiri Pengerusi FAMA, Ishak Ismail; Pengerusi Jawatankuasa Pertanian, Industri Asas Tani, Bioteknologi, Teknologi Hijau

Orang ramai turut berpeluang mendapatkan pelbagai jualan produk pertanian dan industri asas tani pada harga yang berpatutan."

- Salahuddin



Salahuddin merasmikan ILFKB sempena Karnival Jalanan Tani Institut Latihan FAMA 2019.

dan Alam Sekitar Kelantan, Tuan Mohd Saripudin Tuan Ismail; Pengerusi Lembaga Kemajuan Pertanian Kemubu, Senator Datuk Husam Musa dan Pengarah FAMA Kelantan, Wan Nora Wan Ahmad.

Sementara itu, seorang penjual satay ikan, Zaleha Abdul Rahman berkata, beliau berterima kasih atas sumbangan yang disampaikan Menteri Pertanian dan Industri Asas Tani.

"Dana yang diberikan amat diperlukan untuk mengembangkannya lagi perniagaan saya di Bunut Payong, Kota Bharu.

"Ini kali pertama saya dapat sumbangan. Saya sangat berterima kasih kepada menteri kerana membantu saya dan suami untuk tambah modal berniaga. Bolehlah untuk kami tempung belanja lima anak yang berusia dua hingga 17 tahun," katanya.



Pelbagai buah-buahan yang dijual pada harga murah di Karnival Jalanan Tani Institut Latihan FAMA 2019.



Pengunjung memilih jagung segar yang dijual pada Karnival Jalanan Tani Institut Latihan FAMA 2019.



Zaleha menerima Surat Kelulusan Sumbangan Peserta Program Rezeki Tani daripada Salahuddin.



Salahuddin (lima dari kiri) beramah mesra dengan peserta Ladang Kontrak MOA.

Katjang hibrid lebih berkualiti

Kambing baka baharu itu diyakini mampu menjadi sumber daging mentah terbaik

SHAFIQ TINO

KLUANG

Kambing baka baharu, Katjang hibrid diyakini mampu menjadi sumber daging mentah terbaik dan lebih berkualiti untuk memenuhi permintaan pasaran.

Baka baharu yang dihasilkan menerusi kajian Pusat Kecemerlangan Penyelidikan dan Inovasi (COE) Ternakan di Institut Kemajuan dan Penyelidikan Pertanian Malaysia (Mardi) Kluang itu juga ada-



Salahuddin (tengah) memegang kambing Katjang hibrid pada majlis perasmian COE Ternakan di Mardi Kluang semalam.



Katjang hibrid merupakan baka yang dihasilkan MARDI menerusi proses pembiakan kacuk silang.

lah inisiatif kerajaan bagi memperkasa baka kambing tempatan sebagai biodiversiti berharga negara.

Istimewanya Katjang hibrid, daging yang akan dihasilkan kurang berbau hamis dan sesuai dibiakkan lebih awal, sekali gus meningkatkan jumlah ternakan sedia ada.

Katjang hibrid juga lebih ber-

daya tahan terhadap penyakit dan jangkitan parasit dengan peratusan 52.4 peratus karkas setanding baka Boer dengan badan lebih berotot dan kurang lemak.

Menteri Pertanian dan Industri Asas Tani (MOA), Datuk Salahuddin Ayub berkata, penghasilan baka baharu itu adalah bukti komitmen Mardi untuk memberi hasil terbaik bagi mem-

bangunkan sektor pertanian dan industri asas tani, khususnya bidang ternakan.

"Menyedari keperluan itu, satu baka baharu telah berjaya dihasilkan oleh penyelidik Mardi menerusi pembiakan kacuk silang antara baka Katjang tulen sebagai jantan dan baka betina Boer.

"Berdasarkan rekod kadar

kebutungan antara dua spesies itu juga boleh mencapai sehingga 93 peratus, selain mempunyai peratusan 42 peratus anak kembayang boleh diperolehi untuk setiap kali musim mengawan," katanya pada majlis perasmian COE Ternakan di Mardi Kluang di sini semalam.

Salahuddin berkata, peningkatan jumlah perolehan bekalan daging mentah berkualiti amat dititikberatkan oleh kementerian.

"Industri ternakan adalah sumber yang amat penting untuk negara, bukan sahaja sebagai keperluan nutrien tetapi juga sumber pendapatan kepada penternak.

"Namun, industri ternakan di Malaysia masih menghadapi pelbagai cabaran terutama dalam sektor ternakan ruminan. Peningkatan populasi sektor ternakan ini sejak 30 tahun lalu tidak banyak berubah," katanya.

SH 09/9/19